

Blagèri



e VSG Bangg

Dr Erdogan thront am Bosporus
Wäg dr kleinschte Kritik, do flippt er us
Er isch jetzt scho am Mässer wetze
Losst «Mein Kampf» uf Türkisch übersetze

Uff däm Helge do, gsehn sie dr OLMA-Hampe
Wo mit em Laschtevelo durch d Stadt duet trampe
Vorne inn dr Baschi, er macht e Idruck e Wohle
Wo e gratis Dienshtfahrt het könne uusehole

S'Drämmli isch z langsam und Taxi sin mer z tüür
Uber fahr ich nit die sinn mir nit ghüür
Wenns bequäm soll go, und nüt darf koschte
Los mi vome Schugger fahre, vom Claraposchte

Vor em Roothus stehen Lütt es herrscht e gedämpfte Doon
Gits wäg em Baschi Dürr z'Basel e Revolution
Oder wäg em Parkplatzabbau e Demonstration
Nanai s isch der besti Platz für das Go POKEMON

Nach de Wahle z Basel, blibt alles bim Alte
Dr Baschi wäscht, dr Wessels duet si Sitz warm halte
Und s Heidi het me knapp nit gwählt
Will: E Mück-eseggeli het do gfäählt

Znacht im Dunkle, bi dr Altkleidersammlig
Wieht e Schatte in de Sägg, unpfäggt und gammig
Zerscht dänk ich das sinn Räuber us em Oschte
Derbi isch d Ackermaa nur am neuí Kleider poschte

Sie, ich gseh sie, und bini grad verschrogge
Ha no e kleine Schock, würd am Liebschte aanehogge
Ich frog sie jetzt eifach, imene höflige Doon
Sinn sie jetzt sone Horror Clown

Nach de Wahle hett dr Blocher dr Nägeli droffe
Mitenader sin si dur d'Staine gloffe
E Binggis maint das isch denn schön
Lueg Mammi derd sind zwai Horror-Glön

Z Aesch seit e Hääsl zum andere Haas
Wäg däm Schwingerfescht waggst do, scho bald kei Gras
Do seit dr Haas, «Jo weisch du waas»
Mir ziehn zu de Schwoobe, die schaffe daas.

Sie, begriffe sie den die Schwoobe
hän e genetische Defägggt im Hohlrum oobe
Lade zu sich ii, dr halbi Oschte
flueche aber yber d'Schwizer wo bi ihne poschte

Wottsch au by uns bänggle?
Uff www.vsg-basel.ch erfahrsch meh!

